

李基敬著

木山夢

木 山 藁 (李 基 敬 著)

1990年 2月 20日 印刷

1990年 2月 25日 發行



編輯 및 發行人 朴 天 植

製冊 및 普及處 세 원 사

登 錄 1984. 6. 13. 番號 제26호

印 刷 세 원 사 72~7834

連絡處 全北大學校 70~3231

* 定 價 30,000원

不謀而合乎歲丁卯季秋全城李基敬記

作興庫記

環清江一帶實為國家西門蓋自列聖朝所以培
養人材砥他路有加焉清之北有光化縣縣昔有鮮
于涉氏殷太師聞孫也學者宗之曰遜庵宣亦孟氏
所云豪傑之士不待文王而興者歟抑祖宗作人
之化有以致之也噫斯人誠不可尚已若其文武才
藝亦代不乏人云不佞承王命守此土一期于茲
民俗之美惡人材之長短今既知之矣而竊不勝人
亡教弛之歎也間嘗與一二邑子慨然語之曰所貴

乎人者先識見而後才藝于國之人知有利而不知
有仁義好犯亂而不好為孝悌是雖有山斗之文于
城之武亦何所稱哉嗚呼人心不古風俗殊前不獨
于國為然然可以徒知其病而不思所以藥之也
歟試以擊蒙要訣小學書授之曰未有仁而遺其親
未有義而後其君善讀此二書可能知親上死長之
道而利字窠窟不難打破也朱墨之暇因與諸生講
說為聞於是縣之人士稍稍有向善心而祗恨荒政
是急不能專致于此事也未幾浩然有歸志或謂曰
子留心於作興人材而不克有成效今且去矣蓋思

所以卒惠後人裒聚財力庸作獎勸之資于余應之
曰昔伊川先生看詳學制尚嫌其月使之爭而改試
為課今用子言得無見笑於大方者哉雖然是亦為
一道焉耳乃捐金四百別為一庫名之曰作興蓋將
以月試文武士而取其息以賞之也節目既成或又
謂曰子未嘗好武而今以養武為主章甫亦多矣而
反獨求于童蒙何也余曰西土是弓馬之鄉敵路之
衝也脫有緩急武士是賴宜不可以不預養也朱子
曰蒙養不端長益浮靡鄉無善俗世乏良材誠欲善
其俗而成其才曷不於童子時始教之乎而況公

文會之所不患不多而顧乃專事尋摘不肯讀聖人
書此我所以先求童蒙資其講習而熟爾詞華駢爾
寶行者也繼自今武士則精射技曉習兵法而常
自勵曰國家有急我當為王前驅童子則入孝
出恭餘力學文而必自期以舜何人也余何人也凡
若茲免宜武夫皆可作公侯之仇而鮮于遜庵不獨
專美於前矣茲庫之設夫豈曰少補哉聞者唯唯是
為記

鄉飲酒序

鄉之飲飲於成周賓興之禮蓋尚德也後世三物之